



Број/Број: **01/2a-50-3-2-17/12**

Сарајево/Sarajevo: 3.4.2012.

ZABILJEŠKA

sa sastanka predsjedavajućeg Komisije za vanjske poslove Mirze Kušljugića i Zvonka Jurišića, drugog zamjenika predsjedavajućeg, s Jasnom Krivošić-Prpić, novoimenovanom ambasadoricom BiH u Kraljevini Španiji

U petak 29.3.2012. održan je sastanak predsjedavajućeg Komisije za vanjske poslove Mirze Kušljugića i Zvonka Jurišića, drugog zamjenika predsjedavajućeg, s Jasnom Krivošić-Prpić, novoimenovanom ambasadoricom BiH u Kraljevini Španiji.

Predsjedavajući Komisije za vanjske poslove **Mirza Kušljugić** je na početku kazao da je ovo uobičajena praksa za nove ambasadore BiH u svijetu, prije odlaska na dužnost, i zamolio novoimenovanu ambasadoricu da se predstavi i iznese svoje planove u budućem mandatu.

Jasna Krivošić-Prpić zahvalila se predsjedavajućem i drugom zamjeniku predsjedavajućeg Komisije na izdvojenom vremenu i kazala da je ona ujedno i nerezidentna ambasadorica za Maroko te predstavница BiH pri Svjetskoj turističkoj organizaciji UN-a (UNWTO). Istaknula je skromnu ekonomsku razmjenu sa Španijom, te da će na tom planu pokušati poboljšati situaciju imajući u vidu da je i u Španiji ekonomska kriza te da nezaposlenost, prema zvaničnim podacima, iznosi 23%. Kazala je da će insistirati da Španija u BiH otvori Institut Servantes kako bi se mogao učiti jedan od najzastupljenijih svjetskih jezika.

Mirza Kušljugić naveo je osnovna pitanja kojima treba dati najveću važnost, a to su NATO, Evropska unija i vanjskotrgovinska razmjena, gdje Španci imaju jako dobre firme u oblasti infrastrukture koje se polako približavaju jugoistočnoj Evropi, a za koje je postoji mogućnost da učestvuju u izgradnji Koridora Vc. Predsjedavajući Komisije je kao konkretan primjer naveo da, po novom Lisabonskom statutu, odluku o statusu kandidata za EU ne donosi vlada bilo koje zemlje nego se saglasnost mora dobiti od parlamenta, tako da se lako može desiti da prodemo neke stepenice pa da onda zastanemo. Istakao je da mi hoćemo kod nekih ključnih zemalja to preduprijediti.

Sekretar Komisije **Merdžana Iglica** podsjetila je Jasnu Krivošić-Prpić da još od 2007. godine, kada je tadašnji ambasador BiH u Španiji obavio razgovor s predsjedavajućim Komisije za vanjske poslove u Kongresu deputata, postoji interes da se oragnizira radna posjeta naše komisije Kraljevini Španiji ali da ta posjeta nikada nije realizirana te je zamolila ambasadoricu da pokuša aktuelizirati ovo pitanje. Dodala je da postoji i inicijativa za posjetu Maroku.

Jasna Krivošić-Prpić se na kraju još jednom zahvalila članovima Komisije na izdvojenom vremenu.

SEKRETAR KOMISIJE

Merdžana Iglica

Dostavljeno:

- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za međunarodne odnose i protokol
- a/a